

86

18. apríl

AUGLÝSING

um afnám reglna nr. 9 9. febrúar 1929, fyrir nemendur hins almenna menntaskóla í Reykjavík.

Reglur nr. 9 9. febrúar 1929, fyrir nemendur hins almenna menntaskóla í Reykjavík, eru hér með úr gildi felldar.

Í menntamálaráðuneytinu, 18. apríl 1945.

Brynjólfur Bjarnason.

Birgir Thorlacius.

87

25. apríl

REGLUGERÐ

um breyting á reglugerð nr. 155 24. nóvember 1944, um lífeyrissjóð starfsmanna ríkisins.

6. gr. orðist svo:

Reynist fullur elli- og örorkulífeyrir lægri en 60%, eða fullur lífeyrir maka lægri en 40% af meðalgrunnlaunum síðustu 10 ára áður en sjóðfélaginn lét af starfi, að viðbætti verðlagsuppbót svo sem greitt er á laun opinberra starfsmanna samkvæmt lögum nr. 60 frá 12. marz 1945, skal hann hækkaður í þá fjárhæð á meðan greidd er aukauppbót á eftirlaun starfsmanna ríkisins hliðstæð þeirri, sem ákveðin var í þingsályktun frá 28. ágúst 1942, og notuð er heimild laga nr. 48 1942 um verðlagsuppbót á laun embættismanna og annarra starfsmanna ríkisins. Ríkissjóður endurgreiðir lífeyrissjóðnum mismuninn á því, er greitt verður samkvæmt þessari grein, og því, sem lífeyrissjóðnum bæri að greiða samkvæmt lögum nr. 101 frá 30. desember 1943.

Grunnlaunin fram til 1. apríl 1945 skulu öll reiknuð með sams konar aukauppbót sem þeirri, er ákveðin var með þingsályktun frá 28. ágúst 1942.

Tilsvarandi reglur gilda um þá, sem ekki hafa öðlzt hámarksréttindi.

Fjármálaráðuneytið, 25. apríl 1945.

Pétur Magnússon.

Einar Bjarnason.

88

25. apríl

REGLUGERÐ

um lífeyrissjóð barnakennara.

1. gr.

Samband íslenzkra barnakennara skal kjósa einn mann í stjórn lífeyrissjóðsins í stað sjóðfélaga eða félagsskaps þeirra, sbr. 4. gr. laga nr. 102 1943.

2. gr.

Starfstími sjóðfélaga telst sá tími, sem hann hefur greitt iðgjöld til sjóðsins. Starfstíminn þarf ekki að vera samfelldur.

3. gr.

Sjóðfélagi, sem öðlast hefur réttindi til hámarkslífeyris og orðinn er fullra 65 ára að aldri, eða samanlagður aldur hans og starfstími er 95 ár, þarf ekki að greiða iðgjöld í sjóðinn.

88

25. apríl

4. gr.

Reynist fullur elli- eða örorkulífeyrir lægri en 60%, eða fullur lífeyrir maka lægri en 40%, af meðalgrunnlaunum síðustu 10 ára áður en sjóðfélaginn lét af starfi, að viðbættri verðlagsuppbót, svo sem greitt er á laun opinberra starfsmanna samkvæmt lögum nr. 60 frá 12. marz 1945, skal hann hækkaður í þá fjárhæð á meðan greidd er aukauppbót á eftirlaun starfsmanna ríkisins hliðstæð þeirri, sem ákveðin var í þingsályktun frá 28. ágúst 1942, og notuð er heimild laga nr. 48 1942 um verðlagsuppbót á laun embættismanna og annarra starfsmanna ríkisins. Ríkissjóður endurgreiðir lífeyrissjóðnum mismuninn á því, er greitt verður samkvæmt þessari grein, og því, sem lífeyrissjóðnum bæri að greiða samkvæmt lögum nr. 102 frá 30. desember 1943.

Grunnlaunin fram til 1. apríl 1945 skulu öll reiknuð með sams konar aukauppbót sem þeirri, er ákveðin var með þingsályktun 28. ágúst 1942.

Tilsvarandi reglur gilda um þá, sem ekki hafa öðlast hámarksréttindi.

5. gr.

Gjöld sjóðfélaga skulu innheimt mánaðarlega að $\frac{1}{2}$ hluta. Meðan mánaðarlaun eru breytileg vegna breytinga á framfærsluvisitölu má innheimta mánaðarlega áætlaðan $\frac{1}{2}$ hluta af ársiðgjaldi, en jöfnuður skal þá gerður í desembermánuði ár hvert.

Þeir aðilar, sem innheimta iðgjöld í umboði Tryggingastofnunarinnar skulu senda henni skilagrein yfir innheimt iðgjöld fyrir 15. næsta mánaðar eftir gjalddaga þeirra, en full skil fyrir öllum iðgjöldum skulu þeir hafa gert fyrir 31. jan. ár hvert. Um greiðslu iðgjaldafjárhæðarinnar fer að öðru leyti eftir samningi Tryggingastofnunarinnar við hvern einstakan innheimtuaðila.

6. gr.

Tryggingastofnun ríkisins annast greiðslu lífeyris. Heimilt er henni þó að semja við einstaka launaafgreiðsluaðilja um greiðslu lífeyris í umboði hennar. Árslífeyri skal greiða með $\frac{1}{2}$ mánaðarlega fyrir fram, nema þeir, sem lífeyris njóta, óski færri gjalddaga.

7. gr.

Reglugerð þessi, sem sett er samkvæmt lögum nr. 102 30. des. 1943 og lögum nr. 48 30. júní 1942, öðlast þegar gildi. Ákvæði hennar gilda frá þeim tíma, er lög nr. 102 1943 öðluðust gildi.

Fjármálaráðuneytið, 25. apríl 1945.

Pétur Magnússon.

Einar Bjarnason.